



An
Coimisiún
Pleanála

Clár Oibre le haghaidh Éisteacht ó Bhéal ABP-322766-25

Cás	Comhairle Contae Laoise – Scéim Faoisimh Tuilte Chluain na Slí, Ordú Ceannaigh Éigeantaigh Uimh. 1 de 2025, Cluain na Slí, Contae Laoise.
Dáta	28 Deireadh Fómhair 2025
Am Tosaithe	10.00am
Láthair	Ar líne – MS Teams

Is é cuspóir na héisteachta ó bhéal deis a thabhairt do na páirtithe uile, ar mian leo déanamh amhlaidh, tuilleadh aighneachtaí a dhéanamh agus deis a thabhairt don Chigire soiléiriú a lorg ar aon saincheisteanna iomchuí a bheidh tagtha chun cinn agus ar aon agóidí a bheidh déanta. Beidh deis ag na páirtithe ceisteanna a chur agus soiléiriú a lorg ar na haighneachtaí a dhéanfar ag an éisteacht freisin.

Níl aon oibleagáid ar aon pháirtí aighneacht a dhéanamh chuig an éisteacht ó bhéal ná ceisteanna a chur ar na páirtithe eile. Déanfaidh an Cigire agus an Coimisiún breithniú ar na haighneachtaí scríofa uile a bheidh faighte cheana féin. Ar an gcúis sin, ní gá aon aighneachtaí a rinneadh i scríbhinn roimhe seo a dhéanamh arís ag an éisteacht ó bhéal.

Iarrtar ar na páirtithe uile aird a bheith acu ar chineál an iarratais seo agus a chinntiú go mbeidh láithreoireachtaí agus ceisteanna iomchuí do chineál an cháis seo. Meabhraítear duit nach bhfuil aon ról ná aon dlínse ag an gCoimisiún maidir le

cinneadh nó measúnú a dhéanamh ar chúiteamh, agus ba cheart an méid sin a chur san áireamh in aon aighneacht a dhéanfar chuig an éisteacht seo, toisc nach n-éascófar aon díospóireacht ar bith maidir le cúiteamh.

Ar chríochnú na héisteachta ó bhéal, ullmhóidh an Cigire tuarascáil agus moladh ar an gcás don Choimisiún. Is é an Coimisiún a dhéanfaidh an cinneadh chun toiliú leis an bhFáil Éigeantach a dheonú nó a dhiúltú.

Féadfaidh an Coimisiún a ordú go ndéanfaí ranníocaíocht i leith na gcostas a bheidh ag baint le haon duine a bheith ag láithriú ag éisteacht ó bhéal, ar costais iad a bheidh tabhaithe ag an duine sin mar thoradh ar láithriú ag an éisteacht. Is faoi rogha an Choimisiúin a bheidh aon íocaíocht. Ba cheart aon iarratas ar chostais a dhéanamh i scríbhinn chuig an gCoimisiún laistigh de thrí seachtaine ó dháta na héisteachta seo.

Má tá sé beartaithe agat cóip scríofa de d'aighneacht a sholáthar nó áiseanna amhairc a úsáid agus tú ag labhairt (láithreoireachtaí, léarscáileanna, grianghraif, etc.), ba cheart iad sin a chur faoi bhráid an Choimisiúin i bhformáid dhigiteach **dhá lá oibre ar a laghad sula** nglacfaidh tú páirt san éisteacht (agus coinneofar iad ar an gcáschomhad tar éis na héisteachta ó bhéal).

Is é soláthraí seirbhíse a n-eagróidh an Coimisiún é a thaifeadfaidh na haighneachtaí a chuirfear i láthair ag an éisteacht ó bhéal seo. Ní ceadmhach duit imeachtaí na héisteachta ó bhéal a thaifeadadh.

Tá an clár oibre, an t-ord láithrithe agus an t-amchlár don éisteacht ó bhéal leagtha amach thíos. Ba cheart do pháirtithe a thabhairt faoi deara gur amchlár táscach é an t-amchlár seo agus gur féidir go dtiocfaidh athruithe air le linn na héisteachta ó bhéal. Eiseoidh an Coimisiún Pleanála 'iarraidh ar dhul isteach sa chruinniú' don imeacht fíorúil seo ar Microsoft Teams roimh dháta na héisteachta ó bhéal.

CLÁR OIBRE	
Am	Topaic
10.00	Oscailt na hÉisteachta ag an gCigire
10.10	Aighneacht ó Chomhairle Contae Laoise: - Forbhreathnú achomair ar an iarratas ar Fháil Éigeantach. - An t-údar le Scéim Faoisimh Tuilte Chluain na Slí, agus tagairt á déanamh do na roghanna eile a breithníodh. - An freagra ar na haighneachtaí scríofa a rinne na hAgóideoirí. [thart ar 50 Nóiméad]
11.00	Cur i láthair an cháis ag Agóideoirí, ina dtabharfar tuilleadh mionsonraí faoi na haighneachtaí scríofa; Mary Whyte, Robert White (CPO 1001a.01, 1001c.02, 1001row.03) (thart ar 15 Nóiméad) - An freagra ó Chomhairle Contae Laoise agus Ceisteanna idir na Páirtithe (más gá); - Ceisteanna ó Chomhairle Contae Laoise ar Agóideoirí - Ceisteanna ó Agóideoirí ar Chomhairle Contae Laoise - Ceisteanna ón gCigire ar Chomhairle Contae Laoise agus/nó ar Agóideoirí (thart ar 10 Nóiméad)
11.25	Coillte (thart ar 15 Nóiméad) - An freagra ó Chomhairle Contae Laoise agus Ceisteanna idir na Páirtithe (más gá); - Ceisteanna ó Chomhairle Contae Laoise ar Agóideoirí - Ceisteanna ó Agóideoirí ar Chomhairle Contae Laoise

11.50	iii. Ceisteanna ón gCigire ar Chomhairle Contae Laoise agus/nó ar Agóideoirí (thart ar 10 Nóiméad) 3. Uisce Éireann (thart ar 15 Nóiméad) - An freagra ó Chomhairle Contae Laoise agus Ceisteanna idir na Páirtithe (más gá); i. Ceisteanna ó Chomhairle Contae Laoise ar Agóideoirí ii. Ceisteanna ó Agóideoirí ar Chomhairle Contae Laoise iii. Ceisteanna ón gCigire ar Chomhairle Contae Laoise agus/nó ar Agóideoirí (thart ar 10 Nóiméad)
12.15	Sos (15 Nóiméad)
12.30	Barúlacha Deiridh (más gá): i. Agóideoirí ii. Comhairle Contae Laoise [5 nóiméad ar a mhéad in aghaidh an pháirtí, agus ní ceadmhach aon saincheisteanna nua ná aon ábhar nua a chur in iúl] (thart ar 20 Nóiméad)
12.50	Dúnadh na hÉisteachta ó Bhéal ag an gCigire (thart ar 5 Nóiméad)

Nótaí:

Tá cóip de na rialacha le haghaidh páirt a ghlacadh san éisteacht ó bhéal ar fáil ar ár suíomh Gréasáin ag www.pleanala.ie